

ÑOÑE'ËME'Ë MBA' APOJOAJURÃ AGENCIA NACIONAL DE EVALUACIÓN HA ACREDITACIÓN DE LA EDUCACIÓN SUPERIOR DE PARAGUAY (ANEAES) HA GUARANI ÑE'Ë REREKUAPAVË NDIVE

Paraguay táva, jasyporundy 2021 ramo, **Agencia Nacional de Evaluación y Acreditación de la Educación Superior** Paraguay retãmegua, upéi oñembohératava “ANEAES”, opytáva William Richardson 546, Incas ha Azteca rapepa'ũme, táva Paraguáype, Paraguay Retãme, omoakáva Kuñakarai **Dra. DINA MATIAUDA SARUBBI**, ha **GUARANI ÑE'Ë REREKUAPAVË**, upéi oñembohératava **GÑR**, rérape, omotenondéva Yta, Karai **PAUBLINO CARLOS FERREIRA QUIÑÓNEZ**, opytáva tape París 1102 ha Madrid, táva Paraguáype; ojekuaáta chupekuéra “Mokõivéva”, oñemoirũ hembiaipo ha iñemboguatápe:

OIKUAAUKA

He'i, Mokõivéva tekotevêha oñemopeteĩ hembiaopépe, ombojoajúvo imba'epotápe, ha ikatukuaa, upéicharõ oipyguara, oguerojera hekoitépe rekombó'evusu.

He'i, Mokõivéva ohechakuaaha oñemomba'eva'erã arandupy, kuaara'ã ha ñembogua imba'ekuaaite rekombó'evusúpe, avei oñembohasakuaa ojupe opaichagua rekombó'e rembiasa rekombó'evusupegua.

He'i, Mokõivéva ojeyekokova'erã imba'é'apópe, joaju rupi ha oñembohasa ojupe opaichagua marandu ha hembiapokue oja póva.

He'i, Mokõivéva ipokatuha léi ha iñemboguata rupi, omotenonde hağua ñoñe'ẽme'ẽ ha ikatukuaa oñemboguata péicha:

NOMOIRŪ PETEĨHA: JEHUPYTYRÃ

Mokõivéva oñoñe'ẽme'ẽ oñoipytyvõvo ojejuerojera hağua mba'ekuaa oñemboguatahápe kuaara'ã ha ñemboguapytee mbo'ehaovusu rekombó'épe; oñemombarete ha ojeyekoko ojuhe ombopysóvo Paraguay; omopyrenda opaichagua tapereko ha tembiporu ojeporúva iguatahápe oñembohasa ikuaapy; ha oñembokatupyry umi yvypóra omba'apóva omoañetévo kuaara'ã ha ñemboguapytee mbo'ehaovusu rekombó'e.



ÑOMOIRŪ MOKŌIHA: TEMBIAPOPYRĀITE

Umi tembiapopyrāite osēva ko ñoñe'eme'ēgui, oñemboguatáta mokōive moneĩpyrévaramo umi apopyrā ha aponde'a rupi. Upépe oñemyesakāva'erā tembiapo repy, ijeroguata peteĩteĩ, hekomboguapy ha iñemotenonde raperā, avei marandu jehaipy ANEAES ha GÑR oñondive rupi ha oikotevẽháicha umi tembiapopyrāite.

ÑOMOIRŪ MBOHAPYHA: JEHEPYME'Ē REHE

Ko Ñone'eme'ē ijehepy'y mokōivévape. Peteĩteĩ omboguapykuaa hembiapo repykue, he'iháicha Ñomoirũ Mokōihápe, oguerekoháicha viru.

ÑOMOIRŪ IRUNDYHA: ATYPEHĒ MBOGUATAKUA

Oñemboguata haḡua hekópe ogehupytyséva ko Ñoñe'eme'ēme, ojepravóta tapicha katupyryva osēva mokōivéva, ha ojekuaaukátava kuatia rupi.

Umi tapicha katupyry mokōive atýgui osēva ombosako'íta tembiapora'ã, mbojerarā ha mboguatakuaa haḡua umi apopyrā ha aponde'a ojeroikétava, avei ijepapo, mba'éichapa oḡuahẽ ha ojehechajey'arā tembiapo jepysopyréva.

ÑOMOIRŪ POHA: MONEÍPYRE OIKEKUAÁVA

Ko jehaipy nomboykéi opaichagua ñomongeta ha ñoñe'eme'ē ambue térã hetave aty omba'apóva tetãme ḡuarã térã ijehegui oĩva Paraguay retãme, ýrõ ambue tetãme, ojekupytýva hembiapópe térã ombojoapykuaáva umi apopyrā ha aponde'ápe. Mokōive atýgui oĩramo peteĩ omoingeséva pytyvõra ambue atýpe omoañete haḡua pe ogehupytyséva ko Ñoñe'eme'ēme, tekotevẽ omomarandu ambuẽpe ha imoneĩpyre ojeheroguata haḡua tembiapokuéra.

ÑOMOIRŪ POTEĨHA: ÑEMOHERAKUÃ, ÑEMYASÃI HA JEKUAUKA REHE

Tekotevẽ, oñemoherakuã, oñemyasãi ha ojekuaauka jave umi tembiapo osēva Ñoñe'eme'ē Tuichakuégui, oñemboguapy mokōive aty rembiapoha. Avei, opaichagua marandu myasãipyre, taha'e kuatiahaiyre, ñehendu, jehecha, ñe'ëveve rupi, ojehechakáva'erā mokōive aty ra'ãnga, peteĩchaite ijepysõ ha jehechakuaápe. Mokōive aty oguereková'erā tembiapokue opamba'e ojepávagui.